

文
稿

卷之五



甲子
文化元

子

乙^二

丑

Handwritten title in cursive script, likely '大觀文庫' (Dàguān Wénkù).

Handwritten text in cursive script, possibly a subtitle or a note.

Handwritten text in cursive script, possibly a date or a location.



平泉文稿卷之五
起迄元甲子

朝鮮國圖贊
并外甲子

論恒氣定氣
代中野

窺簞銘

三國祝章序

三國歌詩體製異同論

書穀堂盍簪

名護屏游覽記
乙丑

書千秋草
乙丑

江坡游衆



答金熊介書

隱史六略序

跋常陸日記

題使君子鬱金草圖

題世說新語合纂首

重答金熊介書

濟勝二友傳并序

書黃葉夕陽村舍冊子

題三國字樣扇

題三國風雅扇



大縣文獻

平泉書霞峯畫卷

題四君子帖

清風樓記

書樂新志

江口河野氏孫名字說

今日一日神仙亭門碑記

撰寫跋師友手簡

仕平庶富教說

八道雪中尋梅記

非有新圖孰知其詳

平泉文稿卷之五

題朝鮮國圖

贊并引甲子
孟春念九日

朝鮮國地圖蓋對人江口為督所受韓人崔晉明也
江口嘗于役朝鮮居十三年傳銃法於崔兼受斯圖
今茲甲子孟春余來於平戶斯圖得之督學縣文炳
模寫一本遂製之資藏之巾笥江口前有故去對今
仕平戶侯云其贊曰韓國輿圖幅員斯張朱綠分色
八道以章廣袤千里截補僅方百司在都五國乃王
非有斯圖孰知其詳

論恒氣定氣代中野柳圃

甲子

或問曰按曆象考成象緯之家古用恒氣至清始用定氣如五禮通考所論亦必以定氣為勝不知其所以為勝者如何曰所謂恒氣者以節氣為主主節氣者平分節氣以立說此唯知有氣節耳不復論天度何如故太陽或未至其宮度而為以其氣乃為既至矣太陽或既至其宮度而為以其氣乃為未至也宗恒氣者有不察於是耶所謂定氣者以天度為主主天度者平分天度而立說此唯知有天度耳不復論節氣何如然太陽所在之宮度與其晝夜永短之刻

數莫不均合也。此定氣之所以為勝也。曰：然則恒氣之說當不復用歟？曰：雖然，歲之所以成全在寒暑之來往，而寒暑之來往以漸成焉。大寒之極變為立春，大暑之極變為立秋，故節氣以春秋之立為本。此蓋所以表寒暑消長之分以漸成也。故不必拘天度，又不必局時氣，以暖氣之長當至若干分之時為春分，涼氣之長當至若干分之時為秋分，則恒氣之說亦不可全廢也。曰：寒暑之消長全係于太陽光力之強弱多少矣，而其光力有強弱多少者，非以有永短於晝夜也乎？今天定氣者，晝夜永短各得其實，是非亦

得寒暑消長之實乎？曰：太陽方在夏，則高行北陸，故其光強晝永而光分亦多；太陽方在冬，則卑行南陸，故其光弱晝短，光分亦少。是皆不待論而後明矣。然寒暑代換，不獨日光強弱多少之所為矣。夏至與冬至，日光強弱之極，而晝夜永短亦極也，而不得為寒暑之極者何也？寒暑以漸積散故也。假令太陽方在白羊初度，僅三日間，晷移日躔，超九十度，至巨蟹初度，至其光之強與其晝之永，當可無疑矣。而為得如他年夏至暖氣乎？是不必由天度，祇有係乎日數焉。如專用恒氣，兼有一弊矣。何者？設使太陽在白羊初

度之後既經九十日大陽猶未至金牛初度然在恒
氣則為夏至既至矣而為得如他年夏至暖氣乎然
則不由平日數又有繫乎天度為曰果如是節氣之
臻天度與日數不可偏廢也必矣如用之若何曰既
已不可偏廢宜執厥中而用之歟曰執中之道若何
曰當先以寒暑之極求之也夫立春與立秋屈伸之
極也故寒暑亦極也是以立春之與立秋為諸氣之
本其法蓋自定冬至算起得恒立春又得定立春彼
此較之借令恒立春在正月一日午正定立春在正
月二日午正當執厥中以二日子正為立春之真由

定夏至求真立秋亦當如此算乃得厥中焉既得立
春與立秋之真以為寒暑之極又以為諸氣之本當
再算恒氣其法以自真立春至真立秋：：至真
立春之日時各十二平分之為二十四恒氣又各與
定氣厝比數之而執厥中當如前法曰如此頗盡其
理而東西諸家之所未嘗論也況乎執厥中而求二
分二至有晝夜永短名實不相符之紕繆是式難行
矣曰太陽之行有盈縮而定恒之所以異者僅不過
一二日姑捨其執中而論之則雖恒氣似亦不可廢
然如專用之莫如定氣矣但有可又有不可兩可或

難得而恒氣既有上所論之不可又有晝夜永短名
實不符則恒氣之說置而勿用可也此雖如至淺近
而係授時之大者學象緯者不講而究之可乎

地道第五

窺簞銘

甲子

虛管層套伸縮允宜玻璃兩端象緯以窺攝物於彼
縮地在斯措置爰得靈臺安之

三國祝章序

文化甲子夏。臣準與從祖弟茂楨。俱游學崎陽。臣從
祖叔臣茂質。寓書臣等曰。今茲君太夫人仙算周
六甲矣。而某月某日。實爲設悅之辰。竊以太夫人
育於攝錄之家。嬪於大東之國。大母於邦君幼
冲之時。夫壹終始。兼幽顯。太夫人之行。可謂賢有
德矣。是以先公一旦棄捐萬民。今公襲封於襁
褓之中。而國人皆長君戴戎。公而國安乎。泰山
蓋知太夫人之保我公而有成。撫萬民而有庇
焉。故國人咸胥言曰。邦家方今之時。非有太夫人

在國誰與安。民誰與庇。我公之德。誰與保且成。此臣民之所以共祈。大夫人之壽。如南山不騫不崩。也是乃汝等所共知。夫崎陽海外。賈舶所輻湊也。汝等適客崎陽。何不求賀章於海外。蕃客以上之。則獻賀雖多。誰能如之矣。於是臣等謀諸前和蘭通詞。志築忠雄。而和蘭人之詩先成。臣以爲非通其文者。不能讀而解之。是以又謀諸興善里首名末次繁正。以國歌唐詩翻之。皆譯語以副焉。蘭詩之旨。於是乎瞭然也。然非有先能通其體制之概。則於其說詩也未盡。是以令忠雄作文以詳焉。臣又推論之。然後三國

歌詩之同異判焉。然不觀夫人物態度。服飾品制之殊。又何緣知其所以然哉。臣是以照寫其人物。以冠各詩焉。於是先觀其圖像。而後誦其歌詩。則庶乎有識歌詩之所由然矣。如其輯錄。雖出臣意。而非羈孤之所能辨。故卷之迄於成。賴繁正力焉。且如唐客別幅之詩。則爲別錄附其末。其題曰三國祝章。臣致之茂質以上進。如其賜覽觀以否。國有制。官有法。非敢所望。雖然。至於三國歌詩之編。則古未曾有也。此乃賤臣區區獻賀之意也。文化元年 月 日臣大槻準謹撰

三國歌詩體製異同論

夫人之有心也，不能無感，而宣諸言，歌詩是已。是亦

人情之不容已者。雖東西隔數萬里之國，而其旨豈

有復異哉？余嘗意其所謂宣諸言者，詩是已。鮮卑、獐、崎、港、唯、荷、蘭、荷、蘭亦必有

歌詩之類，是以遊崎陽也。先說之譯官而不得，又敲

之前譯官志築忠雄，而後得其詳矣。其詩蓋有數體，

臣聞其一於忠雄曰：句、音之積也，音、字之聚也。故句

整其音，音多者十三，寡者十二。其詩右兩寡，左兩多，

謂之豪傑體。此本語邊而句帝古多。是為通體，或分兩

多，間而寡，而寡如服，而多如驂，押韻各倚其等。本禮目

此魏云韻而西比者而自又聞之曰凡音有脩短脩
短之用或一或兩以度求之短脩協音音合短與脩
之為一尺六尺謂之押韻句本語思羅帶韻句四此魏云押韻句而六尺
有半謂之帶韻句本語思羅帶韻句四此魏云押韻句而六尺
段分為兩上音六為上段下音六若七為下段其書橫行
為上讀故以下左荷蘭之諸其猶國之歌唐之詩乎而體
製各異何也蓋土隔東西則語殊文異吐又有辭音
之別是以體製亦從而異矣今夫皇國諸事貴辭
吐也其字有聲無義義生於輯字故字整其句曰字
若曰五字惟唐則音吐其文有音有義不貳字與言
七字是也

故字整其句曰言若曰五言七惟荷蘭則亦辭吐其
文無音無義和蘭字總二十有五皆無音義但五韻
義者就其多是以輯字成音合音鑄辭也故音整其
者概言之矣若曰十音二十音此魏云音是也國曰歌唐曰詩
句曰音也若曰十音二十音此魏云音是也荷蘭曰厄遞古多厄遞古多此魏云音是也或韻
焉或不焉唐與和蘭皆韻其礎是以體製各異焉也
然人之有心也耳目所觸不能無感感而宣諸言斯
亦人情之不容已者雖土隔而吐別語殊而文異而
及體製已立則其旨未嘗不同也此乃三國各歌詩
其性情而其旨無異者耶

世界之廣人類雖多情致則一况况於漢蘭乎平
泉先生少時嘗遊崎陽初到即搜索蘭詩始得其
法遂併三國論之此篇是也先是古人猶且不識
有蘭詩况在他人乎故世傳蘭詩以先生為始此
篇乃三國祝章所載批出以博異聞

小野寺順敬識

書千秋草

文化乙丑孟陬念七余游方訪千秋館遂宿焉館舍

蓋千年以外所築也館在筑前國和屋郡上府村館有靈泉十歲

湧而不含靈泉者家傳云傳教館有法火十歲傳而

不滅法火者家傳云傳教館有法火十歲傳而

山嘗羅燈自唐還到此地宿此舍時所授也昔時

以續山燈焉獨銘寺亦在上府村寺亦因傳教所授

云名焉館又有所藏千歲之古釜矣主人奉而守之者

三十有七世以至于今館名千秋良不虛也余宿茲

館也汲茲泉燒茲火以茲古釜烹之對千秋主人飲

之以談千載之上寔千古奇蹟哉是不可不錄東與

盖以生之為客與志之不同也。今而不樂逝者其先矣。

（此處為多欄空白或極淡之文字，內容不可辨）

名護屋觀舊墟記

己丑

名護屋觀舊墟記

昔者豐太公遣將襲伐朝鮮也役躬留名護屋而焉

略靡遺若其名因意名護屋必能勝許達之地他日西遊必

期搜討盖有日矣余與宗弟子節相携以享和發矣

既經由北陸山陰歷盡鎮西還到福岡留數日問名

護屋舊墟其詳行其程遠迤道路險易則夙志勃復勤

欲往觀陣營舊墟蹶然自福岡起步西行南據筑盡

肥來道又西轉既復北折而抵唐津之隸肥前州

由唐津數里到名護屋日暮投村店乃問舊墟店人

曰在村西山山上山上有守墟歟之觀乃可得願明蚤

起由村路登西山。如入城闔。陟數百步。忽出山巔。山巔近北。小廬。是為守壚。有卒守焉。欲請一覽。不許。問吾人游跡。然後許縱覽。其為壚也。削平骨山。以為城基。計以步計之。西五十九。南六十一。青苔平敷。唯其南西疏樹。而南東乃茂樹鬱處。蓋肉也。其西北與南則廓如也。雖不必皆骨。廓然無樹。其形勢西北與南衆山。岬岬皆屬下界。故可以遙眺韓海。況壹岐在近海乎。余嘗謂英雄圖功。今古一揆。昔者豐臣氏驅使雄豪而擊朝鮮。其舉何其與宋太宗明成祖籠絡雄豪而鎖諸編輯局。何其類也。或文或武。其跡雖異。

至於暗消萌。姦隨意以圖。所欲為。則其智歸一塗焉。但豐公中道而斃耳。今來觀陳營之壚。儼然一石城。無殿屋樓櫓。斯為壚耳。今登斯壚。徘徊延佇。乃知豐臣氏之不血食。蓋以其毒使生類。而曝屍海外之故也。不然以公雄武。雖傳數十世可也。何為不慮出于此。又與呂政同其轍耶。昔者呂政築長城。虐黔首而不血食。雖然。彼後世賴乎長城以扞北寇也。則其利後世亦偉矣。我亦久無西顧之虞者。可謂無或有賴豐公輝威海外之力哉。故余嘗言得罪當時而樹勳後世。惟豐公與呂政爾。然竟不可為訓也。噫。

江坡游乘

乙丑

與東平準恣志邱壑自號烟霞觀察使者既觀察諸
道烟霞以文化乙丑春三月到廣陵廣陵赤松子靜
亦鄉巡撫泉石抵長崎故與使者崎陽之舊也是月
十六日子靜夙走家僮謁使君於館舍曰疇昔謂子
節欲明日幸諸子觀江坡子謀諸子繩及星香二生
見報子節曰諾故蚤起而竚報何濡滯也潮候過今
日日以退明日如何使者憮然曰子節未當有一言
及之乃讓子節子節曰疇昔子靜未嘗有此言矣童
子之言誣也使者雖然與星香二生謀報曰茲游子

其為政惟命厥明星生屬有事約已卒事相見于江
坡香生乃期曰後于猫屋橋之南故使者與子節先
為與子靜之門人來邀者相遇於路乃引余二人造
其舍子節乃誦僮子之言未畢子靜笑譏僮子失乎
辭乃掖二弟子與余二人俱登舟三好生亦來會舟
中貫穿闌闌汨流而下已過猫屋之橋果見香生乃
自舟中同然揚聲喚子讓登舟是日屬江坡里社有
神會婦子輩挨携往焉行候星生於岸上將至江坡
舟乃膠不前復假旋與纜之力遂往焉既而望岸上
有弄珠鈴者乃從舟中物色星生于稠人觀場之中

苟美堂

忽見星生突如來子節乃呼小舸登岸引克明返舟
中於是所共約者咸臻或登岸徜徉或鼓枻而歌有
鬪象棊者有銜杯者游衍無法惟適之從使君獨劃
然而嘯突然而起贊然立于艫之上矯首回眸則四
山攢於矚中篙師乃進指言其名曰翠黛嶂嶸當坤
位者嚴島也突兀其東者小芙蓉也瞻前顧後東南
西北指言而不已使君乃左顧右眄應接不耐傲然
遽止之曰吾已其大者皆識之矣長嘯而不已少焉
潮落洲出忽見涉乎洲者手提籃籃載鰻先後相屬
使者起問之厨人則曰此是發蚶以為生者使者謂

子靜曰吾亦且從彼涉者游如何子靜曰可乃揭而涉子靜與星生亦嗣而前子靜之徒瑞民持籃一饅二而跟焉瑞民先撥洲沙曰介其有矣使君走到其所撥沙不見一介去之他瑞民曰介其多矣使君便至獲一介如此數四使君顧瑞民曰子曰有矣而吾不獲一子曰多矣而吾乃獲一甚矣吾目之眊也瑞民曰非目眊也使目者眊邪使君曰俞吾思之哉於是撥沙輒獲介介插乎沙者蛤也撥沙見小穴泉迤逆者煙之居也煙善潛藏見穴便發煙迤藏不見隨發隨藏故發蟪已深手索之乃獲一索不獲身已斷

苟美堂

矣猶藏不已五人相俱且撥且前遂抵插竹之下插竹如籬連亙數里其北為洲牡蠣累累乎聚栖其竹使君見而問之星生星生曰世稱廣島牡蠣卽是使君曰牡蠣如此其多宜乎有稱於四方也子節視日蚤暮曰籃旣盈矣盍歸乎使君咲曰彼二手提一籃籃旣盈矣我乃十手一籃共籃亦僅盈矣我若以二手餉一口彼指猶我手乎相帥而還千舟中旣而顧望洲邊潮湧洲沒唯見插竹之末耳香生獨護短視於舟中乃邀言曰所獲何介星生曰一籃皆花蛤竹煙纔百一子靜舍為羹以進酒於是六人團團無賓

主於坐觥籌所行深淺隨量而斟焉使君與數人聯
句以遣興子靜獨停杯而鑄句三好生詩先成操毫
而揮灑時將日沒乃舍童子然燭而繼晷星生乃辨
指掌頭曰譬諸花兩兩並子節乃顧左右謂使君與
三好生曰二君開塘真是武夫使君曰星兄與香兄
會撮似巫祝香生曰子靜子節是園顛豈裂冠毀冕
之徒邪相共諧謔以絕例焉皆不覺篙師已回棹也
子靜乃崇酒於觴屬之使君曰人生如隙駒為驪幾
何況予與吾子邂逅于崎陽再相見于此是天假我
良緣也請子為我盡之使君曰我復思之何敢辭受

苟美堂

觴未醕篙師先報曰已到于猫屋之橋星香二生相
別去使君亦辭登岸舟乃去不顧文化二年三月十
八日大槻準記

答金鉉介書

前承足下問僕之游跡。僕少好游。枉費日力。有年于此。已少所獲。於今噬臍。言之不耐汗顏。何足以陳君子之前。雖然。有一于此。學者欲廣聞見。而資問學。自非周游咨諏。何以得之。故周游而以咨諏爲自古有之。周游而以咨諏。又必有要。學者必以察水土。咨政俗。問文獻。審時勢。達世務。之爲務。游者不察于此。如或水土之不察。政俗之弗咨。文獻之弗問。時勢之弗審。世務之弗達。是之爲徒遊。一。無益於學矣。我有小獲於此。今足下有亦與僕同症之疾。慊。叩予我。而我不得辭。故吾先道。

周游之所當務者、而後舉我游以語足下、僕少有疾、僕
好游、是以結髮負笈、而南游江都、學於昌平國庠、居學
十年、雖學行不能及古人、尚不後于常人、是以常趨陪
先生長者、得時聞談佳山水、因竊謂學業已優、必踐歷
所聞、以療我宿疾、常以是失於心、僕之疾一日暴發、動
自以為鍼砭不可施、貧病何能治、唯得如所嘗失於心、
不醫自治也、爾於是辛酉歲、閱二十州、還其所經歷之
勝槩、如富岳、淡海、和歌、芳野、固皆顯于天下者、足下所
聞知、何僕之陳說、請蒙學舉茲游、以語足下、僕復居學
三年、癸亥春、僕之疾又大發、僕於是將西游、先適下總、

利根為天下大瀆、源于上毛、經武藏、至于銚子、入海、銚
子隸下總之大港也、利根南涯有香取祠、其北涯惟常
陸、息栖鹿島二祠在焉、其都會曰水戶、有史館曰考彰、
義公所置也、立原萬氏今方為總裁、余嘗竊謂義公之
修日本史、闡幽微、顯揭名分於既滅廓大義於將墜、朱
子所謂春秋二三策、萬古開羣蒙者、亦義公有焉、當是
之時、能持名分、義公與會津侯二人而已耳、當此時、微
二公、吾輩得坐弄文墨與否、未可知也、然則折亂乎一
世、而遏逆浪乎四海、其跡亦實踰於底柱、而無民稱噫、
吾於游學錄、水戶歷世之塚在瑞龍山、皆所謂馬鬣封
論之詳矣

舉

者、崇世崇信浮屠、而水城獨不依浮屠。先世詒謀之美、可想、明人朱之瑜之墓、亦在瑞龍山、其西有筑坡山、是為常之望、自常入奧、經名古曾、山路險隘、鑿山通道、非古關址也、關址蓋在山上、相馬有牧、歲以五月中申閱、畢、輒復放、宮城野名胡枝花、復產金鐘兒。後、連呼七聲、唯茲野之然、多賀城墟、唯遺其門碑、總國風土記所謂坪碑在鴻之池、卽此、燕澤有碑、奇字難解、末松山有三松之說、松島之勝、海內無比、世人或併與嚴島、天橋立、稱為三勝、恐非倫、但三勝各異其觀、而宮殿廊廡宏壯之觀、嚴島所獨優、故或執一而論之、亦非、鹽竈亦名區、今且評

海上名區、譬諸人身之臥形、鹽竈占首、松嶋据腹、金華斗在洋心之名山、遙應其趾、金華東涯觀瀾、尤偉、平泉者、藤鎮守秀衡之墟、清衡嘗奉勅置佛寺曰中尊、其山號關山、加藍當與中央、而面衣關、故名、衣川則流其山北、清衡基衡秀衡三世紹襲、凡九十九年、及泰衡而亡、故物獨光、堂經藏是存焉、栗駒隸奧之名山、脊後湯泉出、曰須川、乃入盤井泉、下流奔突、勢若蚪蛇、直來五里、鑿石辟巖、飛為瀑、狀為潭、渾洄屈折、現白沈碧、能貫穿乎怪巖數里之中、為磐井川、入北上、北上與阿武隈、在奧為二瀆、宮城野以下諸勝、皆管仙臺府、又學曰養賢

磐

堂自奧起大山乃羽之域也羽有大川曰最上急湍也
 有三山曰湯殿曰羽黑曰月山皆名山也又有高山曰
 鳥海羽人之所望走也鳥海之趾女鹿之北巨石磊礫
 如撒而積勢薄海止乃削平石頂僅容兩趾恰如步砭
 里許竭可謂奇險矣其曰象瀉者名區也昔人比之松
 嶋然一盆地之景耳而至若鳥海突兀壓其東南則其
 景之壯特與薩陀望富岳之勝可比而其小固勿論耳
 莊內封界負山濱海沃壤烟稠商旅行李浮取上川至
 其港曰酒田而固國以天險北曰女鹿南曰熱海曰蠟
 關蠟關即古之念珠關而今曰蠟關者蓋國語之訛爾

過鼠關入越後
 之奇也火筒桶洞筒於爐隅以悴兒傳火火乃桶筒端
 而筒不焦試置鐘於火上則水化成湯又橫筒
 曲直隨意所欲接筒通氣則火在其筒端若欲滅其火
 以物攪筒端火降斷之火乃滅蓋石澠之氣自筒通故
 能引火去油泉成池迴環四五十尺其泉熾沸滿而不
 溢因謠之里人乃曰其泉常沸而不加增汲而取之不
 加減可謂奇矣俗謂
 之臭水蓋石澠也
 北方之巨川發源于信之筑摩故在信謂之筑摩川在

越謂之信儂川新瀉據其下流邑為凡商舶所輻湊在
 北地以新瀉為第一羽之酒田次之彌彥古祠也彌彥
 謙信之幼也為繼母所逐移於越東時過斯嶺讚形勝
 此日戰勝之地也後數年果破兄之軍于此遂取越後勝
 親新不知濱海之險也行遇風浪日知天下險不然則否

即

封內也加賀侯

越境川則越中州郎加賀侯始祖之廟在高岡愛本之橋著于此地魚津之海時見蜃樓仰望立山其高比富士而庫往時平氏餘孽來潛匿於五家山於今有氏天王者聞諸土人云富山神通川有浮梁用舸六十隻可謂壯矣然不如盛岡浮梁須三十三隻之偉矣蓋以川巨船亦巨川小船亦小也俱利加羅嶺有不動閣故名昔時源義仲敗平兵于此既踰嶺州曰加賀府曰金澤實北方之大都會其地形勝殊不類平語所載豈山亡谷還與平氏之無謀亦可慙見其俗勤儉始封之治可想其講學之堂曰明倫侯家之藏書世稱其富錦里鳩

遷想

巢二先生初宦加賀後相繼升幕廷大島無害剛直有古人之風自金澤枉道游能登能登多勝地石動山上望島山尤妙九十九瀉之景亦奇御崎古祠藏古笛昔時義經窮過斯地所寄所謂青葉笛是也文治年時平亞相時忠謫能登今有其裔孫總持寺名籃洞家所宗復出于加賀州加賀州加賀郡能登州能登郡越中州越中郡侯家嘗白官皆更其名小松城西有那谷寺大悲閣據巨巖構烏形勝實與江之石山可比而此則壯而隘也其旁有傘亭名其形亦奇也往昔華山上皇既禮觀音於三十三所最後潛幸此地勅曰三十三所之勝此地該之故名那

谷蓋取諸那智谷汲余獲斯語於土人白山名山產雷
鳥雷鳥者稻若水曰響也永平寺者道元開基管于越
前亦洞家所宗永平總持謂之洞家而本山福井亦一
都會其城則卽柴田勝家所築也光秀之弑逆勝家恚
然見之何不倡義討賊以報主恩乃好用知謀為主討
賊之豐公宜乎為其所滅也余至城北燈明寺村問新
田義貞所戰歿處有碑纔識其所何南風之不競抑衰
運之使然耶天旣生良將何委之溝壑而不省慨然作
文弔去福井又有曰九十九橋蓋名其長其橋石其平
論之乃曰不皆石者備洪水易決也不然全橋皆敗上

古神功皇后之征三韓艤舩艦於敦賀敦賀實古港
人烟稠密今猶古云郡狹產柴石嘗入鳳關為御硯賜
名鳳足水戶義公奉詔撰其銘爾後鳳足之名布于天
下後瀨山古名勝也余浮小濱之海始知藻之有文采
文可比組屋某曰昔時豐太公朝鮮之役獻職于京師
舟必到茲地陸行百里遂達京師余自郡狹游京師經
浪華由丹波入丹後土人云上古宗廟自河守徙伊勢
河守今有小祠其墟可徵矣自成相嶺望天橋立雖景
美隘已但馬城崎之溫泉自香川氏之著藥撰盛稱其
功能其名最著鳥取者因幡之府城也亦一都會大山

帶

名山隸伯耆自米子夜航海達于雲之松江梓樂大社
 峻宇崢嶸雖凡海內神祠之壯偉者無能出其右自洪
 荒掌其祀曰國造國造有二家曰千家曰北島皆九十餘
 代即上古國造之血食于今者與隱岐之國造唯是已
 士千家氏支子曰清主奇立也御崎亦古祠頗頗敗其祠
 官之長曰檢校自上世迄于今傳世久遠與國造比余
 涉水攀山問立久惠來臨淵流崖壁數丈皆成龜析石
 見濱田人小篠行藏藏有石見地名考之作在昔國雅
 聖者來守此州而没于此地故高角遺其祠長門州其
 治城曰萩澤登靈椿山以瞰萩府之控帶帶可一

達

初

瞥盡焉府有學曰明倫館萩府二生曰縣曰瀧嘗與學
 職赤間關產硯石天下珍之豐前小倉城楹鎮西咽喉
 之要地也掌其學鐸者石川翁也城南數里有窟曰青
 龍余將探青龍窟徑乃左轉既乃右顧四高中藏處唯見飛泉不見其
 下流更往數百步見穴乃入窺遇而下數百武而止乃
 所謂青龍窟也空闊明亮可容二十許人俯瞰下界山
 村數里聚于一隅其右旁有小穴去窟着禪匍匐而入
 磬折而前二十餘武遇水流乃止洞中如暗夜不能窺
 廣狹深淺然俯察之飛泉石鐘乳古賊青龍宅斯窟乃
 泉伏而流無可疑耳
 國史所載云鏢戶鑿崖壁為洞道二旁數處鑿孔容明
 洞內宏闊可騎而過蓋聞安永初江都僧善海雲遊到
 此地見行旅苦路難乃發願募化終能成茲功德云天

下方崇祀八幡之神而宇佐之廟爲最古與之鎮守府
八幡次之豐後多高山過梓嶺則日向也天造草昧時
天孫降臨之地曰高天原太祖神武帝龍飛之墟曰宮
崎今有廟宇額曰神武天皇余周遊四方多觀舊蹟莫
古于此邦而出雲次之霧島亦名山東西兩祠皆薩先
侯名義久所營建其所謂天逆戰吾不能信焉名焉產
於大隅國分大隅卽屬薩侯封域故世稱薩摩國分魔
島城府摸放鎌倉風俗亦淳樸雖薩老侯嘗慕江都之
風舊俗稍變而流風餘韻猶有存者魔城有兩館其國
學曰造立之館山本傳藏爲教授其司天曰明時之館

製曆頒其國蓋聞春秋稱春王便是大一統也今侯國
製曆吾不知其義如何也又有濟聚之館醫學也琉球
臣屬薩國故有館於魔城琉球船常不絕跡於魔港亦
爲是已苗代川村民皆韓人之種朝鮮之役先侯所虜
掠者其子孫至今蕃茂衣服言語猶其舊新田宮祀瓊
杵尊後山有瓊二杵尊陵薩封內禁所謂淨土真宗
其嚴令與祇教比肥後八代海上夏秋之交有陰火俗
謂之不知火古曰火國國史所載不可誣也阿蘇我望
爲過細川侯之治府曰熊本大城也加藤清正所築今
有遺廟其學館號時習其教授爲高本氏余未識其人

其助教為大城辛島二氏皆智名之士也往時茲土之
豪曰菊池氏倡義觀王之師中涂而敗蓋亦南風之不
競末如何也已余西游帶堅田侯及林祭酒貽長崎鎮
臺書聞鎮臺歸期已迫意謂此地須重來故遄去肥後
而再遊不果為可憾也已溫泉山肥前之望也長崎之
港唐山荷蘭皆來貿易各置其館魯西亞來聘在文化
甲子之秋九月中野柳圃名忠雄講其字余製其說字
之曰季飛精於西洋學前為和蘭通辭今退養病實隱
君子也余嘗所講西洋象緯翻譯之書皆其所授也福
田石窟乘船入觀之頂崑亂垂勢欲壓船平戶有白石

詰

士業如生月島觀捕鯨魚壯觀也唐津五島壹岐對馬
皆捕鯨魚而壹岐為盛唐津城自筑之鹿加望之絕景
也余嘗謂英雄圖功今古一其軌豐臣氏伐韓之舉不
襲故智而其智與宋太宗明成祖之編書之舉其合雖
其跡異然至於驅使雄豪而使其不敢為妄謀以圖成
功則其揆歸一塗焉余來名護屋觀陣營之墟儼然大
城也但無殿屋樓櫓斯為墟耳余登斯墟徘徊延行乃
復知豐臣氏之不血食乃慨曰何其毒使生類而曝屍
海外之久也不然以公雄武雖傳數十世可也何又與
呂政同其轍耶昔者呂政築長城虐黔首而不血食二

△此余常所持論也
但此等之乃中道而廢

世而亡雖然彼後世賴^乎長城以扞北寇也則其利後世亦偉矣我久無西顧之虞若是者可謂無或有賴豐公輝威海外之力哉故余嘗言得罪當時而樹勲後世惟豐公卓呂政為然然竟不可為訓也望夫石傳會不足信弘道館者佐嘉府學也精里生先生奉於棠城古賀溥卿先生長子稱奇才古賀仲安亦予舊知北肥南筑界巨川所謂筑後川是也斯州有樺島世儀久米畠米族文學也久留米城南有天險曰高良山相傳繼體帝時有盤井者据此山見有其墟其山上有玉岳宮祀紀棟梁武內筑之前州則大宰府有管公廟吁嗟公之左

磐

降有關氣運盛衰者是以既沒世而不忘民至今雖兒童崇祀之不衰又有都府樓之址礎石見存其治為福岡城其學為脩猷館其先哲貝原益軒著大疑錄何信之不篤抑望道而未見歟不然必為一伐儒宗可惜又有甘棠館其教授龜井道載鎮西之尤鳴者也而有故館鼻人俱廢其子昱元鳳惟藍之出芥屋大門乘舟入之石洞之奇者也海中道其景偉於天橋立千代松原明人所稱十里松者即此箱崎宮乃應神天皇降誕之處古松存焉其樓門標敵國降伏四字蓋醍醐帝勅額也香椎宮為神功皇后原廟大宮司武內氏乃武

內宿禰之齋也。糟屋郡上府村有古家曰千秋館、舍雖屢經脩補、千年以外所筑也。其所用之火、僧最澄所授、千載傳而不滅。田島祠側有古碑、所謂彌陀經碑者、復歷小倉、還到長州、住吉古鐘、有與平戶古鐘、皆與播尾上鐘類。蓋慶長西伐、所獲於朝鮮、欽周防山口、大內氏之墟也。松崎菅公廟雖小、莊麗比宰府、世皆知。島國有錦帶橋、予過而觀、烏名稱其實。島國山萬葉集所載、蓋古名勝也。既盡周防、舟行游宮島、二名區華表屹立海上、望之絕景也。昔時陶賊無智、好用反間、却殲于此地。毛利氏獲是一勝、遂霸中州、是之當時英豪競起、割據爭

衡、唯元就獨勤於王家、有仁義之風。然天不假之年、中道而斃、惜如可惜。雖然、天之所使、未如之何矣。總見豐國、東照三公相繼而興、天意益可見焉。此僕所經歷之大較也。併僕前後之游、計其所枉費之日力、凡二年有畸、而閱州凡五十有二、其間水土也、政俗也、或察焉而未明、或咨焉而未盡。若夫文獻、昇時勢、世務、何處曰問而審、且達焉乎。今舉其概略、以語足下者、不得已而答焉爾。如其廣聞見而資問學、足下躬至其地、咨諏焉而記之、可也。

僕歸期已迫、率爾屬文、固不工也。而用字時有不

中律令者欲改未遑覽者諒恕

乙丑首夏三日

隱史六略序
余嘗慨士之純乎國學者雖明乎前代事迹而不能
筆諸書而圖不朽焉士之專乎漢學者或情乎前代
事迹而無由亦筆諸書而圖不朽焉雖或兼斯二者
非精識以擇之亦不得以筆諸書而圖不朽焉史才
信難矣哉苟得兼斯三者脩史又何難之有廣陵賴
君既有精識而博通國與漢之學又有志於脩前史
是可筆諸書而圖不朽賴君其人也余東歸路經廣
陵過賴君廬於是得着其所修隱史六略賴君謂余
曰是略已如其詳以俟他日余已受看之其書雖略

隱史六略序

余嘗慨士之純乎國學者雖明乎前代事迹而不能
筆諸書而圖不朽焉士之專乎漢學者或情乎前代
事迹而無由亦筆諸書而圖不朽焉雖或兼斯二者
非精識以擇之亦不得以筆諸書而圖不朽焉史才
信難矣哉苟得兼斯三者脩史又何難之有廣陵賴
君既有精識而博通國與漢之學又有志於脩前史
是可筆諸書而圖不朽賴君其人也余東歸路經廣
陵過賴君廬於是得着其所修隱史六略賴君謂余
曰是略已如其詳以俟他日余已受看之其書雖略

二十餘年之間。治亂興廢之迹。制度文物之爲。粲然
備具。賴君其可謂史才也已矣。他日以其已所定之
權度。推致之其詳。則終前史又何難之有。余旣東歸
之後。有人自西方來者曰。山陽有隱史。脩前史旣成。
則余不問而知其必爲賴君也。文化乙丑孟夏初四
奧東平準撰之。亦不辭以筆。諸書而圖不詳。其史本
筆。而無由亦筆。諸書而圖不詳。其史本筆。而無由亦筆。
筆。諸書而圖不詳。其史本筆。而無由亦筆。諸書而圖不詳。
余嘗謂士之於學。昔雖用筆。而力事。而而不。而而不。
劉文六初氣。

跋常陸日記

余嚮聞行天下者之言曰。天下之廣。搜討靡遺。難矣。
余初聞此言也。鼻呖之曰。未之難矣。於是枉費三年
之日力。以行天下。以爲搜討殆靡遺。及來寓神邊。問
塾。閱茶山翁常陸日記。其文簡而詳。約而盡。讀之如
足到而目睹也。而其地皆余所曾游。而足迹不及者。
殆居其半。是知搜討之靡遺。信難。而人言之不可妄
非也。因謄寫以補遊之闕。又以警生平之浮躁。余於
斯書乎。復斯四益。是不可不書。遂書其由於卷端。以
還之管翁云。文化乙丑首夏十日東奧大槻準跋。

此二種圖者。照寫筑前藥園所有者也。二種皆怯寒。而使君子无怯也。故雖其枝葉鬱茂。延條盈二十尺。然自冬涉春。屋而庇之。壁而繚之。帳以承其隙。隆冬則帳內置火以御寒也。苟不雨。則葉或脫而不華。而帳不實故也。其發華也。常以三月。曹子黃華乎白。又漸變為紅。日然一日。以極於謝也。鬱金則其詳未聞也。藥園前為博多藥舖。鞍屋善平私有。善平舉致之筑前侯。故今為侯家園云。乙丑歲四月十日。平泉準題於黃葉夕陽村舍。

題使君子鬱金草圖

此二種圖者。照寫筑前藥園所有者也。二種皆怯寒。而使君子无怯也。故雖其枝葉鬱茂。延條盈二十尺。然自冬涉春。屋而庇之。壁而繚之。帳以承其隙。隆冬則帳內置火以御寒也。苟不雨。則葉或脫而不華。而帳不實故也。其發華也。常以三月。曹子黃華乎白。又漸變為紅。日然一日。以極於謝也。鬱金則其詳未聞也。藥園前為博多藥舖。鞍屋善平私有。善平舉致之筑前侯。故今為侯家園云。乙丑歲四月十日。平泉準題於黃葉夕陽村舍。

六經語孟非世說語林之比而末疏不啻數十家是
合纂之尤不可無者成叔豈無意焉抑未遑及邪夫
世說裨官小說類也而纂輯如此其勤者成叔之意
吾竊知之蓋自試其業爾則此書為諸經合纂之贖
矢也必矣故余樂為成叔題此書者有以待於成叔
焉爾文化乙丑四月十一日平泉大槻準書

重答金熊介書

僕前後兩次為漫游嚮答足下所問即僕今游也嚮
不舉前游者如其所歷名區人物皆人所知不待僕
陳說故也而今又承問僕前游不敢不復陳說也如
游歷一事雖玩惕歲月固少益然僕復有一說凡可
以廣聞見者莫如游歷也僕未游歷也治書以知道
政事治詩以知道性情治易以知道陰陽治春秋以
知道名分治禮以知隨俗制宜然於徵之時事考之
邦俗則未也然則雖治書以知政事治詩以知性情
治易以知陰陽治春秋以知名分治禮以知隨俗制

宜而然紙上之譚耳矣。奚得當事曰不眩不惑。既已
 游歷則聞其謠知其俗。是可以道性情也。觀其俗知
 其政。是可以道政事也。觀其變識其時。是可以道陰
 陽也。觀慎其教嚴其名。是以知名分。觀國異俗。俗異
 宜。是以知禮制。於是嚮為紙上之談者。僕皆於兩次
 游歷。徵時事考邦俗而得之也。故可以廣聞見者。莫
 如游歷也。然則如游歷一事。雖玩愒歲月。少益亦未
 必謂游歷全無益也。然此特據僕所見言之耳。不知
 足下之見如何。若以為不然。不隱其說。必以見教。是
 無益於足下。必有此必有一益矣僕前次之游。以辛酉八月甲子發昌

平學經戶田川。至熊谷驛。熊谷武藏州界也。熊谷有
 二路。一路走下野。足利。有學或曰。小野篁所設。
 故孔子廟配祀篁。而正配皆設像。而聖像持羽扇。蓋
 曰聖像本持刀筆。後人以羽扇易之。不詳果然否。其
 所藏有宋板十三經。及宋元板數十部。皆室町氏時
 所寄云。學今浮屠氏居此。以掌祀事。余嘗有詩言。毛
 州有學問規模。道廢幾年教化。豈圖尼父聖。歲時
 祀典委僧徒。不以不慨也。此僕丁巳春所經也。其一
 路即中山道也。上野多名山。如妙義。椿名赤城。吾唯
 遊妙義。眺望亦佳。由田井嶺入信濃州。淺間。臣岳絕

頂烟氣島、不絕。自誰昔然天明癸卯夏末殊甚火
氣噴出。山皆為焦土。兩灰西南風道被與地。山足之
地。乃更兩巨石。其石大抵合抱。往、見存路旁利根
川為益。樹後屋倒。望月古牧地。產所謂望月駒者。即
此。和田嶺峻坂開。凡道路。據高地。莫如和田嶺也。
故。過此嶺者。新據最高而不自覺者。蓋以信州山路
本高於諸州也。諏訪賦有諏訪祠。用鹿頭及免為保導正
蓋古禮也。昔武田信玄之逞威也。諏訪賴茂既降。信
玄、誘殺賴茂。遂納其女生勝賴。山其家。此蓋諏
訪之神為賴茂飲。信玄不霸亦是此歟。塩尻嶺望

諏訪湖。風景亦奇。余雨中。過嶺上。不見富士可憾。昔時在五
中將望富士。諸塩尻。蓋謂摺盆。言似覆摺盆
也。故名此嶺歟。桔梗原古戰場也。鳥居嶺有七盤阪。
鳥居嶺南北共有水源。北者謂之藝摩川。經越後州
至新瀉入于海。南者謂之木曾川。美濃至從尾張入于海。故
木曾傍澗通道。兩岸皆山也。山中如漏天。故乏水畜。
蛇以飾餐尤可厭。福島木曾之府。設関唯譏入銑出
女耳。寢覺怪宕。山中之奇景也。美濃州醒井。往昔日
本武尊徑過之地。関原亦古戰場。濃江末界。合壁分
壁。故有濃江臥語之謠。磨針嶺上望此池湖。竹生島

浮湖心。絕景也。石山寺在勢田南。三井寺在大津西。
滋賀濱湖。辛崎古松在滋賀北。自大津入京師。審其
形勢。三面山圍。南面獨缺。故桓武天皇遷都于此。國
曰山城。都號平安。地雖舊都。而未有餘年。物化維新。是以環皇居
多名區。比叡愛宕二山皆名岳。對峙于東西。上加茂
吉田之神祠。祇園清水。智恩銀閣。東福南禪。三十三
間堂之諸名藍。皆在艾東。下加茂貴布祢今宮。及鞍
馬大德相國。皆在艾北。野松尾梅宮。及等持鹿苑
妙心御室嵯峨嵐山大井桂川太秦之諸名區。皆在
艾西。西東本願本國東寺。皆在艾南。儒家則有皆川

村瀨岩垣若槻佐野數名。醫家則有荻野中上福井
三名。畫則家有岸駒月桂東洋。蓋京師人物之淵藪。
是舉其概耳。黃蘗名藍。聯額可觀。宇治亦古戰場。產
名茶。品茶家以宇治產為最品。自宇治搭船。乘流而
下。達伏見。一霎時耳。又自伏見乘夜航船。至大坂。淀
城枕南岸。畔設翻車。汲取流水於城中。男山原廟。
在淀城西南。廟制益效明堂。吾未之觀也。山崎亦古
戰場。昔豐公敗逆賊光秀于此。遂霸天下。大坂名城。
昔時稱海內無比。船舶輻湊。亦大坂為魁。天王寺招
提之古者。西宮祠蛭子。在西宮驛。摩耶高山。有摩耶

夫人之閣故名。布引有懸泉。湊河楠公所戰死之處。
水戶義公嘗採材於攝河泉三州以建碑。蓋三州者。
公封域故也。文乃明人朱之俞所撰也。兵庫亦船舶
輻湊。舟船日入千隻。出亦千隻。故世有兵庫千櫓之
謠。其岬昔平相國所築成。爾後六百年。兵庫為大港。
職由是云。湏摩古關址。今有寺。一谷為養和皇居之
墟。後山有鶴越鐵枋之險。源判官嘗騎馬而越。即此
山崎閣齋嘗論之云。可謂孫子之奧旨矣。平敦盛古
塔可哀。播州舞子濱望淡路。風景可攬結。明石。柳本
人丸祠。尾上鐘古物也。石寶殿亦奇古也。曾根古松

既枯。僕抵姫路。酒井侯治城。即豐太公所築
也。還至明石。自明石舟行達太坂。詣住吉祠。古祠耳。
泉州堺一都會。妙國寺名蘇鉄。昔者總見公移之死。
事罷復蘇。於今滋榮。過堺有蟻通祠。紀州若山亦一
都會。和歌浦古名勝。有玉津島祠。祀衣姫通。國雅三
神之一。風景蓋不如古也。紀三井寺在其南。粉川亦
名藍。高野山青巖寺。僧空海開基。是謂真言古義本
山。昔時豐關白秀次遁于高野。太公就殺之。何其暴
也。噫。金剛山古隸河內。今管大和。吉野自古名櫻花。
世稱十本櫻。即此。櫻花盛開。歌聖振諸雲。其盛可想。

長谷名蓋是謂真言
新義本

鹿

吉水院者。南帝皇居。如意輪寺有。後醍醐天皇陵。
帝恢復鴻業不果。多可憾者。是以南風不競。末如之。
何已。多武峯大織冠廟頗壯麗。土人比之日光。櫻井。
驛楠公嘗戒勅其見之處。忠孝之訓。於今可想見。三。
輪以山為神象。故祀之。唯有前殿而已。奈良亦作寧。
樂。祖宗舊都之地。故稱南都。春日祠祀天兒屋根。藤。
氏之祖也。東大興福多名刹。伊賀治城曰上野。藤室。
族之封域也。伊勢宗廟。天照皇號內宮。豐受皇。
號外宮。天下宗之二見。浦名勝。朝熊山上祀虚空藏。
由朝熊取徑西南而下。至志摩磯邊。有伊雜皇廟。多。

古祠皆與伊勢宗廟同時造營云。伊勢有鄉音石。凡人

言鳥語。至若歌曲微妙之言。皆善響。故俗曰鸚鵡石。

亦奇。洞津城廣邑。松坂本居宣長解釋古言。大有功

於國學。自桑名乘船。河流至佐屋。經名古屋。、、、

大都會也。熱田祠祀日本武尊。天龍大井富士三川

並大川也。富士名山。海內獨尊。箱根置關。據天險。嶺

上有湖。產奇魚。藤澤有鴨立澤。因僧西行有秋夕吟

而著。

文化二年首夏霖雨連日客密不耐無聊
 備後神島黃葉夕陽村舍
 展玩舊文以消長日時客

脩整
 展玩舊文以消長日時客

濟勝二友傳并序

余承乏烟霞觀察兼泉石巡撫之職歷觀海內山海
奧秘必搜而討焉而有不得身至而目察者每遣管
生周旋管生行步至健而視察用明故跋涉山河往
返數千里間曾不以一瞬而窮盡其詳矣於是墨生
承而劄記以備使君顧問使使君得專心効職以無
遺漏者實二生之力也作二友傳

漢字獨為一許

題三國字樣扇

余除國與漢字之外於萬國字曾經目者凡國曰
蒙古曰滿洲曰朝鮮曰悉曇曰是瑪曰瑪理斯曰喝蘭曰魯
齊西亞曰拂郎察曰諸厄利亞曰亞臘比亞併與國及
漢凡為十有三國蓋其文與國不同也雖然究其字
原不過乎此也國字依漢字製焉滿洲字出于蒙古
朝鮮譯之蓋原于悉曇矣悉曇及邏瑪瑪理斯亞臘比亞
各自為一體魯齊亞與喝蘭拂郎察諸厄利亞蓋同
原于邏瑪而派異者也故字原不過乎此也余嘗皆
得看之唯以不通其文為恨今茲乙丑夏五來客於

平也占

西山孝恂氏其學子特聚頭扇請余書余已數十書
漢字與之今又書漢字余已厭之因欲併書十三國
字與之願吾所識僅不過二國故余獨書國字二體
各四十七字及漢三十六字母喝蘭二體各二十五
字則假堂堂字節手書也題曰三國字樣扇併及十
三國文字云

題三國字樣扇

題三國字樣扇

余除國字與漢字之外於萬國字嘗經目者凡十二
國焉曰委曇曰朝鮮曰蒙古曰滿洲曰暹瑪曰厄勒
西亞曰瑪理斯曰喝蘭曰魯西亞曰拂即察曰諳厄利
亞曰亞臘比亞併與國及漢為凡十有三國其文蓋
與國不同也雖然究其字原不過乎五也雖有數體歟漢字自
為一體體國字乃依漢製為滿洲字出于蒙古蓋與朝
鮮該文同原于委曇及暹瑪厄勒西亞瑪理斯亞臘比
亞各自為一體魯西亞與喝蘭拂即察諳厄利亞蓋
同原于暹瑪而派異者也故字原不過乎五也余嘗

得皆看之唯以不通其文為憾今茲乙丑夏五來客
於西山孝恂氏其學子持聚頭扇請余書余已數十
書漢字與之今又書漢字余已厭之因欲併書十四
國字與之顧吾所識僅不過二國故余獨書國字二
體各四十七字及漢三十六字母唱蘭二體各二十
五字則假堂弟子節手書也題曰三國字樣扇併及
十四國文字云端午

苟美堂

題三國風雅扇

余嚮跋三國祝章曰國及唐山和蘭各有歌詩其體
異而其旨同者人情同也其體異者字言各
異也唯唐山音吐而國與和蘭皆辭吐國之為文有
音無義字不輯義不成故歌以字整句而曰字和蘭
則其字無音無義釀字釀音模音鑄辭故詩以音整
句而曰音唐之文有音有義字言合而一故詩以字
整句而曰言唯唐與和蘭有韻焉此乃三國歌詩之
略說也余來備中也先訪子久東武之舊也余
與子久別三年又得相見吁此亦相携游濠谷共為

旬日之行歸路共訪古松軒宿焉越二日子久將從此辭歸乃出扇面請余書余乃創意先書我皇和衆先君貞公唐山詩又請古松主人書琉球人所賦國雅和蘭則令堂弟楨書其詩名曰三國風雅扇因題三國歌詩之同異題畢而別竹醉日

三國風雅扇

書黃葉夕陽村舍冊子

余來留黃葉夕陽村舍數日茶山先生授一冊子於余曰與之與薩東西之極也其人經過甚罕僅而至者薩則赤崎彦禮與則志村仲敬兄弟及廣瀨大原數人而已而仲敬與彦禮皆既就木矣近者合會可期而遠者或不可期生者尚或可會而死者不復可期悔吾不蚤為此卷使來過君子逸其姓名深以為憾往者已不可追自今而後欲使來過君子不問邦遠近錄其姓名於此冊子而其既去後吾追我閒窗無事之時對其所錄姓名以想見其言貌風采則雖

解曰飢渴者見食飲不擇其美惡余不見富岳三年
忽者此圖心神冥合未遑擇其真與否是亦甚乎飢
渴之不擇食飲美惡者邪乙丑五月十九日清準書

書劉永直卷

書不淸風樓記

奧東平準自鎮西還也訪武君立於東備草廬主人
欣然出迎延客南樓客歷階升別賓^主即坐舊新情話
層不遑乾淪茶與客歡之少焉淸風颯起穿林越牆
入窗灑座客披襟當之曰快哉乃顧主人問樓名主
人曰淸風哉客乃挹主人進之曰賢哉吾子九歲以
神童說經於邦君前既冠東學武江師事吾祭酒林
子既有所得日浩然歸其鄉杜門而讀古人之書倦
則呼童餽酒醉則卧卧則淸風颯颯灑其身身在醉
鄉而心遊華胥當是時雖與之以公侯之尊附之以

秦楚之富。而不易其樂。其心蓋曰。吾何以彼危與憂。
易我安與樂哉。如將與木石居。鹿豕與游。以終其身。
賢哉吾子。吾子不見彼賤丈夫乎。不自知其愚。而好
自用。居之治朝。則解其紀綱。處之亂邦。則速其危也。
如是者。雖高朗其樓。太引清風。以洒其座。而不能一
朝安也。今余雖未明知子胸次所蘊蓄。然以其平昔
所以與其不求聞達。而陶然自樂。卜之則知吾子果
異於彼賤丈夫也。嗚乎。使世之賢人君子。皆如主人
躬耕以自食。平則君人者。誰以爲國家哉。主人聞客
言。不敢當曰。斯^何言也。子言之過矣。吾學周公仲尼者

也。客曰。唯其學周公仲尼。其諸以爲君立也歟。客及
主人請^作樓記。次序前言而與之^送文化二年夏五月平

準記

楚之富而子易其樂其心蓋曰吾所以假危與憂
者哉吾子吾子不見彼賦大夫字不自知其意而好
自用居之治則則其紀綱廢之亂則則其政廢也
如是者雖高顯其權大引清風以通其產而不能一
制守也今余雖來明知子胸次所蘊蓋然以其年者
所以保其不末聞遠而陶然自樂卜之則知吾子樂
樂時彼賦大夫也嗚乎使世之賢人君子皆如主人
封爵諸侯而制國者而樂之則天下之亂者
豈亦與諸無異乎哉此其言也

書中村氏樂新志

余與圃公非舊相識也以故余鄉過岡山圃公蓋在
家而不相知也余來金陵也圃公亦遊金陵始得相
識而未及罄其驩也余遊閩谷敦土也圃公相携行
途訪武君立留宿數日亦相携還其間賦詩屬文論
談款洽罄數日懽而情始如舊知也余與圃公如不
皆來金陵何有茲良晤然則茲良晤亦有天助乎哉
乙丑六月朔旦東與平準書

無他。善繼人之志而成之爲爾。志何志。父祖之志也。父祖有志不果。其爲子孫。苟有能繼而成之者。是非孝乎。夫工商賤役也。猶能孝。匪鮮。繼其志而成其業。況在善人君子。可不思所以繼而成之者乎。古人創業垂統。爲可繼也。乃祖之業。固爲可繼。故以業配志。以命字也。及其既長。以是命之。夙興夜寐。孽匪鮮思。所以繼其志。并業而成之。至使人曰。河氏有孫如此。則人道立。孝道成矣。若不能爾。廢乃祖志。墜乃祖業。人其謂爾何。固非余命汝之意。抑亦非乃祖望汝之意也。汝既長就學。能誦此文。有識乃祖所以望

汝。與吾所以命汝之意而體之。勉旃。

夢得字汝弼

汝弼謂余曰。我本姓熊。代氏有故。冒河野氏。元非先人意。故欲令孫男別起熊氏。自爲一家。是余之夙願。乃先人之志也。說既成。故附于此。

六月二日

來慨然歎曰屋島往昔當源平接戰之時也正為斗
在洋心之絕島僅經數百年滄海漸變為田向者絕
島今也可小橋以通往來則亭前萬頃之濤自今而
後又經三四百年亦安知其不漸變而為桑田耶及
其已然後世子孫豈復知斯地余所嘗維舟處乎因
立碑以記其事且以徵後人云文化乙丑六月十二
日記

跋武智氏師友手簡

吾老友武智權平嘗得師友之手簡也雖一紙半葉
悉收不漏襜而為卷裱而藏之可謂謹厚之至也然
看其所收皆當時人士故或者疑不可如此其切
也是大不然余嘗在昌平國庠十餘年故得名師良
友文章筆札藏焉而人有乞之者輒與之不省曰是
易得是以所藏散佚殆盡其後或卽世或去在遠地
鄉以為易得而不省者余乃百方求之不可復得
魁權平之為大有見矣今以是推之奚翅其小者為
然至其行己之度雖大者可知也此學之所以貴謹

卷之六

婦人皆凡福交年

乙丑

衆多之謂庶豐於財之謂富以善導之之謂教教也者不待他求務在於教人倫而叙之耳是故無教上下犯義父子賊恩男女亂倫長幼失序朋友背信五者紊而不叙此之謂五倫斁若斯則與禽獸奚擇聖人有憂之爲是建學置師以教人倫而叙此焉孟子曰無恆產者因無恆心民若不足於衣食衣蔑有恆心雖有善教奚能行今見奔走於衣食者規之曰汝何不姑忍爾飢與寒移爾汲々乎衣食之心以爲爲己之學也則將應之曰孰敢不願爲學我有急於是昔者管

仲審其如此故其言曰倉廩實而知禮節衣食足而知榮辱是以君子使民豐於財而足乎衣食為急制之田里薄之稅斂使之以時使其專力務本則財恒豐而衣食無不足生養遂而教化可施矣夫國人民之為本人民不衆多善政無所施欲富之可得乎是故治國之本務在撫其民而育之而已耳民既已育矣何憂不衆多又何憂富之不可致教之不可成哉苟不如是施設倒而無功就緒故孔子適衛曰庶矣哉曰富之曰教之是施為之序也

雪中尋梅記

今茲杪冬一夕大雨雪平慶士晨起曳屐中庭條然嘯而不已客見而問焉曰子何樂爾平慶士曰樂夫雪矣客曰子不聞乎郊東之野清溪之濱有梅樹不知其幾株爛然而華華遭雪而景益奇平慶士曰偕往觀之乎曰可乃披鶴氅戴烏巾命僮載樽與席客與跳而出離城未數百武人迹絕而路不辨皆執杖索途恰如瞽人偃夕乎索途而前且步且望千山被雪皚皚也忽有一陣風傳香而過欲斷欲續客曰安知非香風為我導也乃認香至溪濱至則地鋪白沙

前樹後樹皆綴玉焉。五出與六出爭開。冰肌玉骨。風格益高。向前近之。清香衝鼻。氣韻迫人。俯則澗流清淺。橫斜影涵。仰則峯巒低昂。連接綴勢。是左顧右盼。恰如春之歸。千花萬花均簇。冷艷一時沸。花海平處。士乃彷徨延佇。顧客謂之曰。奇哉景也。乃命僮。席於地。連臂而坐。僮僕障半風。侍於背後焉。於是舉杯屬客。流觴更酌。朗詠數闋。樂甚。及暮乃去。旣歸家。大病僵而臥焉。少焉風來肅然。仰視之。白衣老翁。皤髮龐眉。骨清鬚長。兩手操一局書。與梅一枝。莞爾呼平處士。俯謂之曰。吾竒爾骨法。是吾秘籙。言未旣。兒童謹

嬉而驚覺。欲顧客而問。今取夢。客已去。不在第。見落月照屋梁而已。平處士對之。悄然久之。乙丑歲季冬平準記

1845

1845